



Provedena operativna akcija "Kasper II"

21.04.2021

Dana 20.04.2021.godine u 14.20 sati policijski službenici Odjeljenja za borbu protiv zloupotreba opojnih droga Uprave policije MUP-a KS su u okviru realizacije operativne akcije „Kasper II“, a zbog postojanja osnova sumnje da je počinio krivična djela iz člana 238. KZ F BiH (neovlaštena proizvodnja i stavljanje u promet opojnih droga) i člana 74. ZONDINOM-a Kantona Sarajevo, lišili slobode lice T.P. rođen 1991.godine iz Sarajeva. Istog dana u 12.50 sati zbog postojanja osnova sumnje da je počinio krivično djelo iz člana 238. KZ F BiH (neovlaštena proizvodnja i stavljanje u promet opojnih droga) slobode je lišen i S.J. rođen 1991.godine iz Hadžića. Naime, preduzimajući planske aktivnosti na realizaciji akcije „Kasper II“ policijski službenici su, na osnovu naredbe Općinskog suda Sarajevo i pod nadzorom postupajućeg tužioca Kantonalnog tužilaštva Kantona Sarajevo, izvršili pretres stana u ul. Kulovića i poslovnog prostora u ul. Šenoina, područje općine Centar Sarajevo i tom prilikom pronašli i uz potvrdu o privremenom oduzimanju predmeta oduzeli:

- jedan pištolj marke Ekol Tuna, cal. 6.35 mm sa pripadajućim šanžerom bez municije,
- jedan pištolj marke CZ cal. 7,65 mm sa pripadajućim šanžerom i tri metka istog kalibra,
- jedan pištolj NN marke sa pripadajućim šanžerom i jednim metkom,
- jedan pvc paketić sa NN materijom koja svojim izgledom asocira na opojnu drogu kokain, težine 5 grama,
- 2 pvc kesice sa sadržajem NN materije koja svojim izgledom asocira na opojnu drogu spid, težine 80 grama,
- 11 pvc kesica u kojima se nalazi ukupno 53 komada tableta koje svojim izgledom asociraju na opojnu drogu ekstazi,
- jedan pvc paket-tobolac u kojem se nalazi NN praškasta materija koja svojim izgledom asocira na opojnu drogu spid, težine 1106 grama,
- jedan pvc paketić sa sadržajem NN materije koja svojim izgledom asocira na opojnu drogu spid, težine 7 grama,
- jedan pvc paketić sa sadržajem NN materije koja svojim izgledom asocira na opojnu drogu spid, težine 3 grama,
- jedan pvc paketić sa sadržajem NN suhe zeljaste materije koja svojim izgledom asocira na opojnu drogu marihuanu težine 16 grama i
- jedna digitalna vaga za precizno mjerenje i vaganje na kojoj se nalaze tragovi NN materije koja asocira na opojnu drogu.

Istog dana u 13.00 sati policijski službenici su na osnovu naredbe Općinskog suda Sarajevo izvršili pretres kuće u ul. Donja Raštelica, područje općine Hadžići, a koju koristi lice S.J. rođen 1991.godine iz Hadžića i tom prilikom pronašli i uz potvrdu o privremenom oduzimanju predmeta oduzeli:

- jedan pvc paketić sa sadržajem NN materije koja svojim izgledom podsjeća na opojnu drogu spid, težine 3 grama,
- jedan pvc paketić sa sadržajem NN materije koja svojim izgledom podsjeća na opojnu drogu spid, težine 13 grama,
- jedan pvc paketić sa sadržajem NN suhe zeljaste materije koja svojim izgledom podsjeća na opojnu drogu marihuanu i
- jedan mobilni telefon.

Napominjemo da je akcija provedena pod nadzorom Kantonalnog tužilaštva Kantona Sarajevo, a lica lišena slobode su predana u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Policijski službenici nastavljaju rad na dokumentovanju navedenih krivičnih djela.

